



REPUBLIKA E SHQIPËRISË
KËSHILLI I MINISTRAVE

V E N D I M

(PROJEKT)

(Nr. _____, datë _____ 2020)

**PËR MIRATIMIN E KËRKESAVE PËR MENAXHIMIN E NËNPRODUKTEVE TË KAFSHËVE, QË
NUK SYNOHEN PËR T'U KONSUMUAR NGA NJERIU***

Në mbështetje të nenit 100 të Kushtetutës, të nenit 36 të ligjit nr. 10463, datë 22.09.2011 "Për menaxhimin e integruar të mbetjeve", të ndryshuar; me propozimin e ministrit të Turizmit dhe Mjedisit dhe ministrit të Bujqësisë dhe Zhvillimit Rural, Këshilli i Ministrave

V E N D O S I:

Neni 1
Qëllimi

1. Ky vendim përcakton normat trajtimit dhe të kontrollit zyrtar që i përkasin nënprodukteve me orgjinë shtazore dhe produkteve derivateve që nuk janë të destinuara për konsum nga njerëzit
2. Ky vendim përcakton normat e mbrojtjes së sigurisë në zinxhirin ushqimor dhe të ushqimeve për kafshë.
3. Ky vendim përcakton normat e trajtimit të nënprodukteve shtazore dhe derivatet e tyre.
4. Ky vendim përcakton rregullat, detyrat dhe mënyrën e ushtrimit të kontrollit zyrtar, gjatë gjithë procesit të përpunimit, magazinimit, shpërndarjes dhe tregtimit dhe eliminimit të nënprodukteve shtazore dhe produkteve derivate.

I. *Ky vendim transponon pjesërisht rregulloren 1069/2009 "Rregullat e shëndetit në lidhje me nënproduktet e kafshëve dhe produktet e përfuara prej tyre jo të destinuara për konsum njerëzor" e Parlamentit Evropian dhe e Këshillit të datës 21 Tetor 2009. Numri CELEX 32009R1069; Fletorja Zyrtare e Bashkimit Evropian, Seria L, Nr.300; date 14.11.2009; faqe 1-33; dhe rregulloren 142/2011 dhe Komisionit, dt. 25 shkurt 2011 "Që përmban mënyrat e aplikimit të rregullores (KE) nr. 1069/2009 të Parlamentit Evropian dhe të Këshillit e cila përmban normat sanitare për shtazorët që përkasin nënprodukteve me origjinë shtazore dhe produkteve derivate që nuk janë të destinuara për konsum nga njerëzit dhe të direktivës 97/78/BE të Këshillit për shtazorët që përkasin nënprodukteve dhe artikujve që nuk i nënshtrohen kontrolleve veterinarë në kafshë. Numri CELEX 32011R0142; Fletorja Zyrtare e Bashkimit Evropian, Seria L, Nr.54; date 25.02.2011; faqe 1"

Neni 2

Fusha e aplikimit

Ky vendim zbatohet për:

- a) nënproduktet me origjinë shtazore dhe produktet derivate të cilat janë përjashtuar nga konsumi për njerëzit në zbatim të legjislacionit, dhe
- b) produktet të cilat janë të destinuara për qëllime të ndryshme nga përdorimi si ushqim për njerëz: produkte me origjinë shtazore që mund të jenë të destinuara për konsum nga njerëzit por që në një fazë përpunimi të caktuar humbasin cilësinë e ushqimit për njerëz, dhe janë lëndë të para për prodhimin e nënprodukteve me origjinë shtazore.
- c) mbetjet me prejardhje nga nënproduktet shtazore dhe derivatet e tyre.
- d) Ky vendim nuk zbatohet për rastet e përshkruara në pikën 2, të nenit 2 të shtojcës së parë të këtij vendimi.
- e) operatorët e biznesit, personat fizikë e juridikë që trajtojnë nënproduktet me origjinë shtazore që nuk janë për konsum njerëzor dhe mbetjet e tyre.

Neni 3

Përkufizime të përgjithshme

Termet e përdorur në këtë vendim kanë të njëjtin kuptim me termat e përdorur në ligjin nr. 10463, datë 22.09.2011 “Për menaxhimin e integruar të mbetjeve” i ndryshuar si dhe në ligjin nr. 10465, datë 29.09.2011 “Për shërbimin veterinar në Republikën e Shqipërisë” i ndryshuar, ndërsa me termat e mëposhtëm nënkuptohet:

1. “Regjistrim”, është licenca sipas përcaktimit të gërmës gj) nenit 3 të ligjit nr.10081, datë 23.2.2009 “Për licencat, autorizimet dhe lejet në Republikën e Shqipërisë”, të ndryshuar.
2. “Kafshë për prodhimin e gëzofit”, kafshë e cila mbarështohet me qëllim përfitimin e lëkurës për prodhimin e gëzofit.
3. “Autoritetet kompetente” janë:
 - a) “Struktura përgjegjëse për veterinarinë”, sipas përkufizimit të pikës 5/1 të nenit 4 të ligjit nr.10 465, datë 29.9.2011, “Për shërbimin veterinar në Republikën e Shqipërisë”, të ndryshuar;
 - b) “Autoriteti kompetent”, sipas përkufizimit të pikës 5 të nenit 4 të ligjit nr.10 465, datë 29.9.2011 “Për shërbimin veterinar në Republikën e Shqipërisë”, të ndryshuar.
 - c) “Institucioni përgjegjës për kontrollin zyrtar të ushqimit dhe ushqimit për kafshë”, sipas ligjit nr.9863, datë 28.1.2008 “Për ushqimin”, të ndryshuar.
 - ç) “Autoritet kompetent për PIK” ,sipas përkufizimit të pikës 6 të nenit 4 të ligjit nr.10 465, datë 29.9.2011 “për shërbimin veterinar në Republikën e Shqipërisë”, të ndryshuar.
 - d) Institucioni përgjegjës për licencimin e instalimeve të trajtimit të nënprodukteve me origjinë shtazore dhe produkteve derivate që nuk janë të destinuara për konsum nga njerëzit, është është struktura përgjegjëse në përputhje me legjislacionin në fuqi për lejet, licencat dhe autorizimet.
 - e) Institucioni përgjegjës për inspektimin dhe monitorimin e instalimeve të trajtimit të nënprodukteve me origjinë shtazore dhe produkteve derivate që nuk janë të destinuara për konsum nga njerëzit, është struktura përgjegjëse e inspektimit që mbulon fushën e mbrojtjes së mjedisit pranë Agjencisë Kombëtare të Mjedisit.
4. “kompostim”, procesi i transformimit të materialeve biologjike në prani të mikroorganizmave dhe oksigjenit.
5. “sasi të vogla”, sasi me të vogla se 100 kg që shpërndahen në treg në nivel lokal.

6. “treg në nivel lokal”, tregtimi i materialeve brenda territorit të një rajoni administrativ.
7. “identifikim”, çdo numër, çdo etiketë, çdo mjet tjetër i cili futet në nënproduktin shtazor i ngjitet, i lidhet dhe shërben për të identifikuar vete nënproduktin, produktin, materialin me origjinë shtazore, kontejnerin ose mjetin e transportit si njësi unike, e vetme dhe që nuk mund të ngatërrohet ose të këmbëhet për një tjetër.
8. “markim” çdo substancë, material fizik ose mikroorganizëm biologjik që hidhet dhe përzihet me një material me origjinë shtazore dhe që merr pjesë në procesin e përpunimit por nuk ndërhyr në proces dhe nuk pëson ndryshim të asnjë natyre, por shërben për të matur një tregues të përpunimit ose për të bërë të mundur që një material të mos mund të përdoret për qëllime të ndryshme nga ai për të cilin është prodhuar.
9. “transport rifuxho” transportimi mallit në mjete transporti i pa paketuar ose/dhe ambalazhuar me parë. Karrocëria e mjetit të transportit shërben si kontenitor unik.
10. “karakteristika organo-leptike”, janë karakteristikat e ngjyrës, konsistencës, tingullit, shijes dhe aromës së produkteve shtazore.
11. “TSE (Encefalopatia Spungiforme e Transmetueshme)”, sëmundje e metabolizmit që prek gjedhët.
12. “Operatorë të biznesit” janë personat fizikë ose juridikë, sipas përcaktimit të ligjit nr.9863, datë 28.01.2008 “Për ushqimin”, i ndryshuar.

Neni 4

Norma dhe normativa të prodhimit, përpunimit, magazinimit, transportit dhe tregimit të nënprodukte shtazore dhe produkteve derivate.

Ky vendim miraton normat dhe normativat sipas shtojcës së parë dhe shtojcës së dytë të këtij vendimi

1. Shtojca e parë: “Normat sanitare që i përkasin nënprodukteve me origjinë shtazore dhe derivateve të tyre të cilat nuk janë të destinuara për konsum nga njerëzit”, sipas kërkesave të rregullores (KE) n. 1069/2009 e Parlamentit Evropian dhe Këshillit dt. 21 tetor 2009, “*Që përmban normat sanitare që i përkasin nënprodukteve me origjinë shtazore dhe derivateve të tyre të cilat nuk janë të destinuara për konsum nga njerëzit dhe që shfuqizon rregulloren (KE) nr. 1774/2002*”.
2. Shtojca e dytë: “Mënyrat e zbatimit të kërkesave të shtojcës së parë këtij vendimi”, sipas kërkesave të rregullores (BE) nr. 142/2011 dhe Komisionit, dt. 25 shkurt 2011 “*Që përmban mënyrat e aplikimit të rregullores (KE) nr. 1069/2009 të Parlamentit Evropian dhe të Këshillit e cila përmban normat sanitare përsa i përket nënprodukteve me origjinë shtazore dhe produkteve derivate që nuk janë të destinuara për konsum nga njerëzit dhe të direktivës 97/78/BE të Këshillit përsa i përket disa kampioneve dhe artikujve që nuk i nënshtrohen kontrolleve veterinare në kufi.*”
3. Parashikimet e nenit 55, 20, 23, 34, 47, 48, neni 51bis, neni 52, neni 55 dhe neni 56 i Shtojcës së parë; dhe pika 3 neni 10, neni 16, neni 20 bis, neni 29, neni 29 bis, neni 30, neni 36, neni 37, kapitulli 1 aneksi II, seksioni 2 dhe 3 të kapitullit II, aneksi VI, kapitulli V i aneksit IX, seksioni 11, kapitulli II i aneksit XIV, fillojnë të zbatohen në datën që do përcaktohet me urdhër të ministrit përgjegjës për bujqësinë.

Neni 5

Licencimi i stabilimenteve ose impianteve .

Licencimi i stabilimenteve ose impianteve bëhet sipas procedurave të ligjit nr.10 081, datë 23.2.2009 “Për licencat, autorizimet dhe lejet në Republikën e Shqipërisë”, sipas kërkesave dhe normave të përcaktuara në shtojcat e këtij vendimi si dhe sipas kërkesave të mëposhtme:

1. Personat fizikë dhe juridikë që prodhojnë, transportojnë, përpunojnë, fusin në treg, shpërndajnë, magazinojnë, përdorin dhe asgjësojnë nënprodukte shtazore dhe produkte derivate si dhe mbetje me origjinë shtazore licencohen duke respektuar kërkesat e këtij vendimi:
 - a) licencimi bëhet duke u bazuar në kërkesat e neneve 23 dhe 24, të shtojcës së parë, të këtij vendimi.
 - b) procedura e licencimit kryhet sipas kërkesave të nenit 44, të shtojcës së parë, të këtij vendimi.
 - c) heqja e licencës, pezullimi i saj dhe ndalimi i ushtrimit të veprimtarisë bëhet sipas procedurave të nenit 46, të shtojcës së parë, të këtij vendimi.
2. Personat fizikë/juridikë të licencuar për prodhimin, përpunimin, magazinimin, transportin dhe tregtimin e produkteve ushqimore me origjinë shtazore për konsum për njerëz, në rast se i përpunojnë vetë nënproduktet me origjinë shtazore që prodhojnë vetë ata (kur ato dëmtohen, prishen, skadojnë, nuk shiten, teprojnë ose konfiskohen gjatë kontrolleve zyrtare,) licencohen për përpunimin e nënprodukteve, sipas kërkesave të pikës 1, të këtij neni.

Personat fizike/juridikë të licencuar për prodhimin, përpunimin, magazinimin, transportin dhe tregtimin e produkteve ushqimore me origjinë shtazore për konsum për njerëz, të cilët nuk kërkojnë ti përpunojnë vetë nënproduktet shtazore që prodhojnë (kur ato dëmtohen, prishen, skadojnë, nuk shiten, teprojnë ose konfiskohen gjatë kontrolleve zyrtare,) duhet të lidhin një kontratë ligjore me një impiant ose stabiliment të licencuar sipas kërkesave të pikës 1 të këtij neni, për përpunimin e nënprodukteve me origjinë shtazore. Kontrata juridike për përpunimin e nënprodukteve shtazore është kusht për licencimin e aktivitetit bazë të veprimtarisë prodhuese.

Operatorë të biznesit të cilët nuk e kanë detyrim licencimin dhe kryejnë aktivitetet ekonomik në prodhimin, përpunimin, transportin dhe tregtimin e ushqimeve me origjinë shtazore për konsum nga njerëzit, duhet të lidhin kontratë me një impiant të licencuar sipas kërkesave të pikës 1 të këtij neni, për përpunimin e nënprodukteve shtazore. Kontrata është pjesë e dokumentacionit gjatë kontrolleve zyrtare të kryera nga Autoritetet kompetente.

3. Personat fizikë/juridikë të licencuar para hyrjes në fuqi të këtij vendimi, për prodhimin, përpunimin, magazinimin, tregtimin e produkteve shtazore për ushqim si dhe operatorët e biznesit që zhvillojnë aktivitetin para hyrjes në fuqi të këtij vendimi, duhet të plotësojnë kërkesat e pikave 1 dhe 2 të këtij neni.
4. Fermat e mbarështimit të kafshëve, të cilat prodhojnë ushqime me origjinë shtazore për konsum nga njerëzit, duke përdorur si lëndë të parë produkte shtazore që prodhojnë vetë ato duhet:
 - a. plotësojnë kërkesat e pikave 1 dhe 2 të këtij neni, sipas rastit.

- b. të pajisen me leje dhe licensë apo të kenë kontratë me operatorë të licensuar për mbetjet fermat që përpunojnë vetëm plehun e stallës që prodhojnë vetë dhe e kthejnë në pleh organik ose kompost për ta përdorur në vetë fermën e tyre, të cilit mund t'i shtohen përzierje ose mbetje të vetë stallës, të aparatit tretës të kafshëve të vetë fermës, produktet derivate të trajtimit ose të transformimit të produkteve shtazore të cilat përpunohen në një impiant përpunimi e lidhur me fermën dhe janë në pronësi të pronarit të fermës të tilla si: qumështi, produkte me bazë qumështi, kulloshtira, produkte me bazë kulloshtre, vezë, produkte me bazë vezët dhe nënprodukte shtazore sipas përshkrimeve të nenit 10, shkronja f) të shtojcës së parë, të këtij vendimi.
5. Në aktin e licencimit përcaktohet lloji i impiantit ose stabilimentit që do të licencohet veprimtaria që do të kryhet dhe metodat e transformimit të përdorura, në përputhje me kërkesat e shtojcës së dytë, të këtij vendimi.
6. Personat fizikë/juridikë që përpunojnë nënprodukte me origjinë shtazore nuk fillojnë të operojnë në fushën e zgjedhur nëse nuk janë të licensuar sipas kërkesave të pikës 1 të këtij neni. Përpunimi i nënprodukteve shtazore behet vetëm nga operatore të licensuar.

Në rast të ndërprerjes vullnetare të aktivitetit të licensuar për përpunimin e nënprodukteve shtazore operatorët njoftojnë me shkrim Autoritetet kompetente të përcaktuara në pikat 3b, 3c, 3ç, 3d, 3e të nenit 3 të këtij vendimi. Rifillimi i aktivitetit të operatorit të përpunimit të nënprodukteve shtazore, i ndërprerë në formë vullnetare nga vetë ai behet vetëm pasi të jetë marre miratimi i Autoritetit kompetent të përcaktuar në nenin 3 të këtij.

Nëse vendimi i ndërprerjes së aktivitetit është urdhëruar nga njëri prej Autoriteteve kompetente të përcaktuara në pikën 3, të nenit 3, të këtij vendimi, si rezultat i kontrolleve zyrtare të kryera nga ai, rifillimi i aktivitetit bëhet vetëm pasi të jetë autorizuar nga Autoriteti kompetent që ka urdhëruar ndërprerjen e aktivitetit .

7. Në kërkesën për licencim ose për autorizim, për përpunimin e nënprodukteve shtazore dhe produkteve derivate si dhe trajtimit të mbetjeve të tyre, sipas përshkrimeve të shtojcës së parë dhe të shtojcës së dytë, të këtij vendimi, operatori deklaron që aktiviteti plotëson kërkesat teknike të përcaktuara në shtojca, në fushën në të cilën ai do të ushtrojë aktivitetin. Kërkesa shoqërohet nga një relacion teknik, i cili hartohet mbi bazën e kërkesave të shtojcës së dytë, të këtij vendimi, përta i përket tipit të impiantit ose stabilimentit dhe metodën e përpunimit dhe një planimetri të impiantit ose stabilimentit në shkallën 1:100. Planimetria nuk është e nevojshme nëse biznesi zhvillon veprimtari vetëm të transportit.
8. Pas kërkesës për licencim, Autoritetet kompetente sipas fushës së kompetencës kryejnë nga një kontroll zyrtar në vend. Autoritetet kompetente lëshojnë një dokument, në të cilën përshkruan që impianti ose stabilimentit është në përputhje me kërkesat ligjore të fushës së tij dhe jep miratimin ose përcakton një kohë të caktuar për plotësimin e kërkesave të ligjit, ose refuzon miratimin sipas përshkrimeve të kapitullit III, të aneksit XVI, të shtojcës së dytë të këtij vendimi. Në përfundim të afatit të përcaktuar për plotësimin e kushteve të vendosura,

Autoriteti kompetent kryen një kontroll të dytë dhe në konkluzion të rezultateve vendos për miratimin ose refuzimin përfundimtar të aktivitetit. Kontrolli zyrtar kryhet në përputhje me përshkrimet e aneksit XVI të shtojcës së dytë të këtij vendimi.

9. Operatorët e licencuar për përpunimin e nënprodukteve me origjinë shtazore jo për konsum njerëzor, regjistrohen në një regjistër të mbajtur nga Ministria e Bujqësisë dhe zhvillimit rural e cila e publikon atë në faqen zyrtare të ministrisë dhe e përditëson atë. Operatorët që janë subjekt i legjislacionit në fuqi që lidhet me regjistrin e shkarkimit dhe të transferimit të ndotësve, si dhe formularit të deklaramentit të dhënave për shkarkimet dhe transferimin e ndotësve nga operatori, duhet të plotësojnë raportin e shkarkimeve totale vjetore.
10. Në rast se operatori bën ndryshime të strukturës të impiantit ose stabilimentit dhe/ose e kushteve të licencës, njofton menjëherë Autoritetet kompetente të përcaktuara në pikën 3 të nenit 3 të këtij vendimi dhe fillon procedurat e ndryshimit të licencës sipas licencës kërkesave të legjislacionit në fuqi të licencave.
11. Licenca jepet vetëm pasi Autoritetet kompetente të përcaktuara në pikën 3 neni 3 i këtij vendimi kanë dhënë miratimin, pasi kryejnë kontrollet zyrtare në përputhje me kërkesat e aneksit XVI të shtojcës së dytë.
12. Licenca e ushtrimit të aktivitetit lëshohet nga Ministria e Bujqësisë dhe Zhvillimit Rural dhe përcakton:
 - a) metodën e trajtimit të nënprodukteve nga 1 në 7, sipas përshkrimeve të aneksit IV kapitulli III.
 - b) tipin e stabilimentit ose të impiantit, sipas përshkrimeve të shtojcës së dytë, të këtij vendimi.
 - c) aktivitetin e ushtruar sipas kërkesave të nenit 24 ,të shtojcës së parë, të këtij vendimi
 - d) tipin e produktit të prodhuar.
 - e) kategorinë e materialit të trajtuar, të përshkruar në nenet 8, 9 ose 10 të shtojcës së parë, të këtij vendimi.
13. Licenca Mjedisore lëshohet nga Autoriteti përgjegjës për mjedisin i përcaktuar në pikën 3d të nenit 3 të këtij vendimi, sipas formatit të miratuar me ligjin nr. 10448/2011 “Për lejet e mjedisit”, i ndryshuar.
 - a) Në rast se operatori trajton njëkohësisht materiale të kategorive sipas neneve 8, 9 ose 10 të shtojcës së parë të këtij vendimi, në licencë ose autorizim përshkruhet mënyra e ndarjes së plotë të impianteve të përpunimit sipas secilës kategori.
 - b) Nëse operatori nuk mund të ndajë fizikisht përpunimin e nënprodukteve të përshkruara në nenet 8, 9 dhe 10 të shtojcës së parë të këtij vendimi, licenca ose autorizimi hiqet kur është dhënë, dhe nuk jepet nëse ajo është kërkuar, derisa operatori të kryejë ndarjen fizike të sigurtë të proceseve të përpunimit të nënprodukteve të përcaktuara në nenet 8, 9, dhe 10 të shtojcës së parë, të këtij vendimi.

Neni 6

Grumbullimi dhe ruajtja e nënprodukteve shtazore

1. Nënproduktet me origjinë shtazore të kategorisë 1, 2 dhe 3 grumbullohen çdo ditë nga vendet në të cilat janë prodhuar, ato magazinohen në mjedise të mbyllura me temperaturë 4 gradë dhe transportohen me kontejnerë në temperaturën 4 deri në 7 gradë.
2. Kontejnerët duhet të jenë qartësisht të identifikueshëm në bazë të tipologjisë së materialeve për të cilët janë caktuar. Ata kanë në paretet e jashtme të tyre një shirit të ngjitur ose pikturuar më i gjatë se 15 cm dhe i gjerë më shumë se 15 cm deri në të gjithë gjerësinë e vetë faqes së kontejnerit.
Ngjyra të shiritave janë:
 - **E ZEZË**, për materialet e kategorisë 1;
 - **E VERDHË**, për materialet e kategorisë 2; dhe
 - **E GJELBËR**, për materialet e kategorisë 3.
3. Mbledhja e karkasave të kafshëve të ngordhur në fermën e mbarështimit duhet të kryhet menjëherë sapo të jetë e mundur, por jo me vonë se 12 orë nga ngordhja. Gjetjet shënohen nga operatori që grumbullon karkasat, në një regjistër të shkruar i cili përmban: datën, orën, sasinë e karkasave të gjetura. Ky regjistër ruhet për dy vjet nga data 31 dhjetor e vitit të mbajtjes.

Neni 7

Transporti i nënprodukteve me origjinë shtazore

1. Transporti i nënprodukteve me origjinë shtazore bëhet në ambalazhe një përdorimesh, të cilat nuk mundësojnë rrjedhjen e lëngjeve, ambalazhet janë të reja dhe që mund të mbyllen ose në kontejnerë që ripërdoren dhe që nuk krijojnë mundësinë e rrjedhjes së lëngjeve.
2. Pas dorëzimit të nënprodukteve shtazore në impiantin ose stabilimentin e destinacionit ambalazhet eliminohen sipas kërkesave të ligjit dhe kontejnerët e ri përdorshëm lahen dhe dezinfektohen brenda impiantit ose stabilimentit që kanë marrë në dorëzim nënproduktet shtazore. Data dhe ora e kryerjes së operacioneve të pastrimit dhe dezinfektimit shënohet nga operatori i impiantit ose stabilimentit që ka kryer pastrimin dhe dezinfektimin në dokumentet e transportit të transportuesit dhe regjistrohet në regjistrin e larjes dhe dezinfektimit të mjeteve të transportit.
3. Regjistri i larjes dhe dezinfektimit të mjeteve të transportit përmban:
 - a) datën dhe orën e kryerjes së operacionit;
 - b) numrin e dokumentit shoqërues që ka sjelle mallin.
 - c) dërguesin e mallit
 - d) targën e mjetit të transportit, dhe

- e) emërtimin e transportuesit kur ai është i ndryshëm nga dërguesi.
- f) Nëse operacionet e larjes dhe dezinfektimit të mjeteve të transportit nuk kryhen nga operatori sipas pikës 2 të këtij neni, ai duhet të lidhë një kontratë ligjore me një operator të specializuar që kryen larjen dhe dezinfektimin e mjetit të transportit e cila kryhet jo më vonë sesa mjeti të marrë një ngarkesë të re dhe sidoqoftë jo më vonë se të krijohen mundësitë e ndotjes së ambientit me aroma të këqija që vijnë nga mjeti i transportit të papastër. Operatori i specializuar mban regjistrin e përshkruar në pikën 3 dhe njofton për çdo operacion pastrimi dhe dezinfektimi operatorin e kontraktuar.
- g) Më qëllim që të parandalohet ndotja e kryqëzuar, automjetet caktohen për transportin e vetëm të një kategorie nënprodukte shtazore të përcaktuar nga shtojca e parë e këtij vendimi. Kur duhet të ripërdoren ato duhet të markohen me shirita të ngjyrosur sipas pikës 2 të nenit 6 të këtij vendimi. Dimensionet e shiritave në këtë rast duhet të jenë në përmasat më të mëdha se 50cm x 35cm dhe gjerat jo më të vogla në lartësi se 5 cm;
- h) Kur transportohen me shumë se një parti malli në një mjet transporti dhe secila parti i përket kategorive të ndryshme nga njëra tjetra, atëherë të gjitha kategoritë pavarësisht se cilës kategori i përkasin trajtohen sikur të ishin të kategorisë me rrezikshmërinë sipas neneve 8, 9 dhe 10 të shtojcës së parë, të këtij vendimi.
- i) Nëse krijohet nevoja për transportin në një mjet transporti të më shumë partive të mallit që janë nënprodukte shtazore i përkasin kategorive të ndryshme sipas kërkesave të neneve 8, 9, dhe 10 të shtojcës së parë, të këtij vendimi, Autoriteti kompetent sipas pikës -3b neni 3 i këtij vendimi, lejon transportin me kusht që materialet të transportohen në kontejnerë të ndarë, hermetikisht të mbyllur dhe të markuar në mënyrë të dallueshme sipas kërkesave të pikës 2 të nenit 6 të këtij vendimi.
- j) Transporti i nënprodukteve shtazore të destinuara për prodhimin e ushqimeve për kafshët e shoqërimin, duhet të kryhet në temperaturë të kontrolluar siç parashikohet nga aneksi VIII, kapitulli I, seksioni 2 i shtojcës së dytë të këtij vendimi, me përjashtim të rastit kur do t'ju nënshtrohen transformimit në vendin ku janë mbledhur brenda 24 orëve nga prodhimi ose magazinimi në të ftohtë.
- k) Mjekët veterinarë që ushtrojnë aktivitetin e tyre profesional në përputhje me ligjinnr.10 465, datë 29.9.2011 "Për shërbimin veterinar në Republikën e Shqipërisë" autorizojnë transportin e trupave të kafshëve të ngordhura, të madhësive të vogla ose të mesme, si dhe nënprodukte të tjera shtazore, që do të dërgohen në impiantet e licencuar, në institucionet e kërkimit shkencor, laboratorët veterinare, fakultetin e veterinarisë ose për qëllime të tjera didaktike ose diagnostike. Për këtë duhet të përdoren kontejnerë të rinj një përdorimesh, të cilët nuk bëjnë të mundur rrjedhjen e lëngjeve, të identifikuar sipas kërkesave të aneksit VIII. Kapitulli II të shtojcës së dytë, të këtij vendimi. Kontejneri i cili mban karakasën ose

nënproduktin shtazor mbyllet hermetikisht dhe mund të dërgohet në destinacionet e përshkruar më sipër edhe duke përdorur edhe një mjet vetjak transporti.

- l) Transporti i plehut të stallës dhe i likuideve të stallës, kur përdoret për qëllime agronomike, në mes dy pikave të vendosura në të njëjtin fermë ose në mes dy fermave të vendosura në të njëjtin rajon administrativ, nuk është subjekt i licencimit sipas kërkesave të shtojcës së parë, të këtij vendimi. Malli duhet të shoqërohet vetëm nga një dokument sanitar sipas kërkesave të këtij vendimi.
- m) Plehu i stallës, përfshirë likuidet e stallës duhet të mblidhen dhe transportohen duke përdorur:
 - a) mjete transporti të mbuluar, të cilët nuk rrjedhin lëngje, për transportin e plehut të stallës të lëngshëm;
 - b) mjete transporti të përshtatshme që të parandalojnë rrjedhjen e materialit në formë të ngurtë i cili nuk përmban pjesë të lëngshme;
- n) Duke respektuar kërkesat ligjore të transportit (identifikimi i nënprodukteve, regjistrimi i partive të mallit, dokumentet tregtarë) është i lejuar transporti i nënprodukteve me origjinë shtazore duke përdorur mjete transporti ose kontejnerë që përdoren për transportin e produkteve për njerëz në rastet që vijojnë:
 - a) nënprodukte sipas përshkrimeve të nenit 10 të shtojcës së parë, të këtij vendimi germa f) (produkte që nuk janë më të destinuara për konsum nga njerëzit për arsye tregtare, probleme të prodhimit ose për defekte të tjera) përfshirë produktet e kthyer nga tregtimi për shkaqe të ndryshme me kusht që të mos kenë pësuar ndryshime të karakteristikave organo-leptike të pa pranueshme (produkte që ka filluar të humbasin karakteristikat organo-leptike) në mënyrë të tillë që të përbëjnë një rrezik për shëndetin publik ose të kafshëve dhe të parandalohet çdo mundësi e ndotjes së kryqëzuar.
 - b) nënproduktet sipas përshkrimeve të nenit 10 të shtojcës së parë, të këtij vendimi germa a), e), i), dhe j) të destinuara vetëm për prodhimin e ushqimit të kafshëve të shoqërimin ose produkteve derivate sipas përshkrimeve të nenit 33, me kusht që të dorëzohen direkt në impiantin e përpunimit të nënprodukteve shtazore, në kushtet që vijojnë:
 - i) të mos transportohen me mjete transporti rifuxho;
 - ii) të mos transportohen njëkohësisht me produktet ushqimore për konsum nga njerëzit;
 - iii) gjatë transportit të ruajnë karakteristikat organo-leptike të përshtatshme për konsum nga njerëzit;
 - iv) të ambalazhuara në formë të përshtatshme.
 - v) qumështi ose hिरra e djathit e destinuar për ushqimin e kafshëve të mbarështuara, në ndryshim nga aneksi X, kapitulli II, seksioni IV, pjesa II e shtojcës së dytë, të këtij vendimi, transportohet direkt në fermat blegtorale që i përdorin, nëpërmjet cisternave të caktuara për transportin që qumështit që konsumohet për njerëzit, me kusht që qumështi ose hिरra të ruajnë të pa ndryshuara karakteristikat organo-leptike dhe mjete i transportit identifikohet në përputhje me kërkesat e pikës 2 të nenit 6 të këtij vendimi.

Neni 8

Dokumenti tregtar i nënprodukteve me origjinë shtazore

1. Gjatë transportit në territorin kombëtar, nënproduktet me origjinë shtazore dhe produktet derivate shoqërohen me një dokument tregtar, të hartuar sipas kërkesave të aneksit VIII, Kapitulli III të shtojcës së dytë, të këtij vendimi.
2. Dokumenti hartohet në tri kopje. Origjinali shoqëron partinë e mallit deri në destinacionin përfundimtar. Prodhuesi dhe transportuesi ruajnë nga një kopje.
3. Dokumenti tregtar dhe/ose certifikatat sanitare ruhen për dy vite. Certifikatat sanitare hartohen sipas modeleve të aneksit XIV të shtojcës së dytë 2 të këtij vendimi. Modeli i certifikatës është i përcaktuar sipas Aneksit I, të këtij vendimi. Kjo certifikatë është e vlefshme vetëm për lëvizjen e nënprodukteve shtazore dhe produkteve derivate në territorin kombëtar.
4. Dokumenti tregtar nuk është i nevojshëm për transportin e nënprodukteve që vijojnë:
 - a) spostimin e plehut të stallës në mes dy fermave që gjenden në të njëjtin rajon administrativ.
 - b) ushqimet e përbëra për kafshë, kur ato janë të etiketuara në bazë të legjislacionit për etiketimin e tyre.
5. Për nënproduktet me origjinë shtazore të destinuar për prodhimin e ushqimeve për kafshë ose ushqime të pa përpunuara për kafshët e shoqërimit duhet të bashkëlidhen dhe informacionet e detyrueshme sipas legjislacionit të etiketimit të ushqimit për kafshë.
6. Dokumenti tregtar për transportin e hirrës duhet të përmbajë trajtimin ndaj të cilit i është nënshtruar.
7. Gjatë transportit, nënproduktet shoqërohen me certifikate sanitare ose/dhe me dokument tregtar sipas përshkrimeve të shtojcës së dytë të këtij vendimi.
8. Dokumentit tregtar hartohet sipas formatit në aneksin e këtij vendimi.

Neni 9

Regjistri, gjurmueshmëria

1. Operatorët që prodhojnë, dërgojnë, transportojnë, magazinojnë, tregtojnë apo asgjësojnë nënprodukte me origjinë shtazore mbajnë regjistra sipas kërkesave të nenit 22 të shtojcës së parë të këtij vendimi, dokumentet përkatës tregtare dhe certifikatat sanitare.
2. Plotësimi i regjistrit duhet të kryhet menjëherë sapo procesi të përfundojë.
3. Informacionet minimale që duhet të përmbajë regjistri janë të përshkruara në aneksin VIII, kapitulli IV, seksioni I, të shtojcës së dytë, të këtij vendimi.

4. Operatorët sipas pikës 1 i japin ose i dërgojnë regjistrat dhe të gjitha dokumentet e tjerë autoriteteve kompetentë me kërkesën e tyre.
5. Regjistrat krijohen në datë 1 janar të çdo viti dhe mbylleen me 31 dhjetor të çdo viti. Regjistrat e krijuar brenda një viti kanë një numër progresiv. Regjistrat e një viti ruhen për pesë vite nga data e mbylljes së regjistrit të fundit të një viti.

Neni 10

Autokontrolli i sigurisë, analiza e rrezikut, krijimi dhe monitorimi i Pikave Kritike të Kontrollit (HACCP)

1. Operatorët gjatë prodhimit, përpunimit, magazinimit, transportit, tregtimit të nënprodukteve shtazore dhe produkteve derivate, mbështetur në parimet e analizës së kontrollit të rrezikut sipas ligjit nr.9863, datë 28.1.2008 "Për ushqimin" dhe sipas përkrahjeve të neneve 28 dhe 29 të shtojcës së parë të këtij vendimi, me ndihmën e operatoreve të specializuar në këtë fushë, hartojnë, mbajnë dhe zbatojnë planet e masave përpara i përket autokontrollit të sigurisë, analizës së rrezikut dhe pikave kritike të kontrollit, monitorimit të pikave të kontrollit dhe masave për korrigjimin e tyre. Ato i japin, i paraqesin ose i dërgojnë Autoritetit kompetent vendimi planin e masave të autokontrollit dhe të gjithë dokumentet që i përkasim zbatimit dhe monitorimit të pikave kritike të kontrollit.
2. Për kontrollin e zbatimit të këtij neni ngarkohet Autoriteti kompetent i përcaktuar në pikën 3c të nenit 3 të këtij vendimi.

Neni 11

Kategorizimi i nënprodukteve me origjinë shtazore

Materialet kategorizohen në procesin e ushtrimit të aktivitetit veterinar dhe gjatë prodhimit dhe përpunimit të produkteve ushqimore. Kategorizimi kryhet nga:

- a) Mjekët veterinarë gjatë ushtrimit e funksionit të tyre sipas ligjit nr.10 465, datë 29.9.2011 "Për shërbimin veterinar në Republikën e Shqipërisë;
- b) Inspektoret e kontrollit të produkteve me origjinë shtazore gjatë ushtrimit të funksionit të tyre sipas ligjit nr.9863, datë 28.1.2008 "Për ushqimin";
- c) Nga operatorët e biznesit ushqimor gjatë procesit të prodhimit, përpunimit, magazinimit, transportit dhe tregtimit të produkteve ushqimore me prejardhje shtazore.

Neni 12

Mënyra e asgjësimit ose eliminimit të mbetjeve me prejardhje shtazore që rrjedhin nga materialet e kategorive 1, 2, dhe 3

Asgjësimi i nënprodukteve shtazore dhe produkteve derivate të kategorisë 1, kategorisë 2 dhe kategorisë 3, kur ato deklarohen dhe klasifikohen si mbetje, duhet të kryhet në bazë të mënyrave të parashikuara nga legjislati në fuqi për mbetjet. Kur janë të klasifikuar si të tilla, ato asgjësohen në prani të përfaqësuesve të strukturës së monitorimit në Agjencinë Kombëtare të Mjedisit në:

1. Impiante të djegies ose të djegies për prodhimin e energjisë të autorizuar me ose pa trajtim paraprak ose sterilizim nën presion dhe markim të përhershëm, sipas kërkesave të shkronjës a), të nenit 6, të shtojcës së dytë të këtij vendimi;

2. Në një landfill të autorizuar, pas kryerjes së sterilizimit nën presion dhe markimit të përhershëm të materialit, për materialet e kategorisë 1, me përjashtim të atyre të përshkruara në nenin 8, shkronja a), pikat i) dhe ii), të shtojcës së parë të këtij vendimi (trupa të plotë dhe të gjitha pjesët e tyre, përfshirë lëkuret për të cilat dyshohen që janë të prekura ose që rrjedhin nga kafshët e prekura me TSE) dhe për materialet e kategorisë 2.
3. Në një landfill të autorizuar, kur bëhet fjalë për materiale të kategorisë 1 të përshkruara në nenin 8, shkronja c) të shtojcës së parë, të këtij vendimi, sipas kërkesave të nenit 7, shkronja a) të shtojcës së dytë, të këtij vendimi.
4. Në një landfill të autorizuar, kur bëhet fjalë për materialet e kategorisë 1, neni 8 shkronja f) të shtojcës së parë, të këtij vendimi, pas një trajtimi paraprak.
5. Në një landfill të autorizuar kur bëhet fjalë për materiale të kategorisë 3, pas një trajtimi paraprak në një impiant të licencuar sipas kërkesave të nenit 24 të shtojcës së parë, të këtij vendimi.
6. Në një landfill të autorizuar, kur bëhet fjalë për materiale të kategorisë 3, të përshkruara në nenin 10, shkronja g) të shtojcës së parë, të këtij vendimi, në kushtet e përcaktuara nga neni 7, shkronja b), nën shkronja ii) të shtojcës së dytë, të këtij vendimi.
7. Në impiantet e djegies ose të djegies për prodhimin e energjisë sipas përshkrimeve të nenit 6 nën paragrafi i parë shkronja b) të shtojcës së dytë, të këtij vendimi bëhet asgjësimi:
 - a) i nënprodukteve me origjinë shtazore dhe produkteve derivate që i përkasin kategorisë 1, kategorisë 2, dhe kategorisë 3, dhe
 - b) i të gjitha nënprodukteve të tjera, të përcaktuara në nenet 12, 13, 14 të shtojcës së parë të këtij vendimi.

Neni 13

Lëkurat dhe mënyra e përpunimit të tyre.

1. Çdo person fizik/juridik i cili prodhon, përpunon, trajton lëkurën dhe e shet, (prodhuesi), mbi baza profesionale, të mbajë përgjegjësitë e zgjeruara të prodhuesit, me qëllim mbrojtjen e mjedisit dhe shëndetin e njeriut, përveç parimit “ndotësi paguan”.
2. Çdo prodhues/operator, i cili është përgjegjës për një instalim për prodhimin, grumbullimin, përpunimin dhe trajtimin e lëkurëve, dhe që përfshihet në veprimtaritë “instalimet për trajtimet me regjie dhe prodhimin e lëkurës”, referuar përcaktimeve të legjislacionit në fuqi për lejet e mjedisit, zbaton kërkesat e legjislacionit në fuqi për prodhimin, përpunimin, trajtimin dhe shitjen e lëkurës, mbi baza profesionale.
3. Lëkurat e kafshëve të therura në thertore janë subjekt i shtojcës së parë, të këtij vendimi kur si rezultat i kontrollit veterinar, pas therjes, rezultojnë si të pa përshtatshme për prodhimin e xhelatinës ose kolagenit të destinuar si ushqim për njerëzit.

4. Lëkurat e klasifikuara si nënprodukt shtazor duhet:

- a) të regjistrohen në regjistrin e nënprodukteve shtazore;
- b) të shoqërohen nga një dokument tregtar transporti sipas kërkesave të këtij vendimi;
- c) lëkurat duhet të kenë numrin e matrikullit të kafshës së cilës i përkasin. Thertorja që ka kryer therjen bën dhe identifikimin e lëkurës i cili përmban të ngjitur, të lidhur të shkruar në mënyre që nuk fshihet dhe numrin e matrikullit të kafshës.
- d) Thertorja duhet të regjistrojë lëkurët për ta garantuar gjurmueshmërinë e atyre që janë të përshtatshme për prodhimin e xhelatinës dhe kolagjenit për konsum nga njerëzit dhe të atyre që nuk janë të përshtatshme.
- e) Lejohet transporti njëkohësisht i lëkurëve që janë të përshtatshme për prodhimin e xhelatinës dhe të atyre që janë të klasifikuara si të kategorisë 3, me kusht që:
 - a) Lëkurët të transportohen në kontejnerë të ndryshëm;
 - b) Lëkurët të jenë të shoqëruara me dokumentet përkatës të ndryshëm.
- f) Magazinat e përkohshme të lëkurëve të kategorisë 3, janë subjekt i licencimit sipas kërkesave të nenit 24, paragrafi i parë shkronja h) ose shkronja i) të shtojcës së parë, të këtij vendimi;
- g) Mund të futen në treg pa kufizime të mëtejshme lëkurët që plotësojnë kërkesat e pikës C.2 të kapitullit V të aneksit XIII të shtojcës së dytë, të këtij vendimi sipas përshtatshmeve të nenit 5, paragrafi 2 të shtojcës së parë, të këtij vendimi.

Neni 14

Fertilizantët organike dhe plehu organik

Produkte derivate që rrjedhin nga pjesë e materialeve që i përkasin kategorive 2 dhe 3 dhe proteinave shtazore të transformuara, me përjashtim të plehut të stallës, që nuk janë të destinuar për prodhimin e biogazit mund të përdoren si fertilizantë organike ose pleh organik me kusht që të jenë të destinuar për t'u përpunuar në impiante të miratuar sipas kërkesave të nenit 24, paragrafi 1, shkronja f) të shtojcës së parë, të këtij vendimi.

Fertilizantët organike dhe plehu organik duhet të:

1. Futen në treg dhe të shpërndahen nga tregtarë të regjistruar sipas nenit 23, paragrafi i parë, i shtojcës së parë, të këtij vendimi.
2. Futen në treg, me kusht që në ambalazh ose në etiketë të jetë shkruar numri i licencës së implantit që i ka prodhuar ose i implantit që i ka ambalazhuar, dhe për fertilizantët dhe plehun organik që vjen nga importi duhet të jetë shkruar numri i licencës së importuesit.
3. Prodhimi i fertilizantëve organike dhe plehut organik sipas përshtatshmeve të nenit 32, të shtojcës së parë, bëhet duke respektuar kërkesat e nenit 22 dhe kërkesat e aneksit XI, të shtojcës së dytë, të këtij vendimi. Në veçanti fertilizantët organike dhe plehu organik duhet:
 - a) t'i nënshtrohen metodës së transformimit 1, kur rrjedhin nga materialet e kategorisë 2;

- b) t'i nënshtrohen metodës së transformimit 1, nëse rrjedhin nga proteina shtazorë të transformuara të destinuar për prodhimin e ushqimeve për kafshët e shoqërimin.
 - c) t'i nënshtrohen njërës nga metodat e transformimit nga 1 në 7, nëse rrjedhin nga materiale të kategorisë 3, dhe që nuk janë proteina shtazore të transformuara.
 - d) të përzihen para se të futen në treg ose të shpërndahen në një impiant të prodhimit të fertilizantëve organike dhe të plehut organik, me një substancë sipas kërkesave të aneksit XI, kapitulli II, seksioni 1, pika 3 shkronja a) të aneksit 2, të shtojcës së parë, të këtij vendimi.
 - e) të futen në treg, me kusht që në paketim ose në kontenitor ose në mjetin e transportit dhe në dokumentin tregtar të shkruhet dicitura "Fertilizantë organike ose pleh organik. Për të paktën 21 ditë pas aplikimit në tokë, është e ndaluar që kafshët që prodhojnë ushqim, të ushqehen në kullotë, ose me barin e marrë nga kullota".
 - f) detyrimet e pikave d) dhe e) nuk zbatohen për:
 - i) paketimet e gatshme për përdorim, me peshë më të madhe se 40kg të destinuar direkt tek përdoruesi final sipas përshkrimeve të Aneksit XI, kapitulli II, seksioni 4, shkronja a) të shtojcës së dytë, të këtij vendimi.
 - ii) paketimet në "big-bag" me peshë jo më të madhe se 1000 kg ose për paketimet e fertilizantëve në formë të lëngshme në kontejnerë me kapacitet jo më të lartë se 1000 litra, me kusht që, kur bëhet fjalë për ferma të cilat mbarështojnë kafshë duhet të marrim me parë autorizim nga autoriteti kompetent për përdorimin e tyre. Sidoqoftë në paketime ose në kontejner duhet të shkruhet dicitura: "**Nuk përdoret në terrene në të cilat mund të hyjnë kafshët që prodhojnë ushqim**".
 - g) detyrimi i pacaktuar në pikën d) nuk kërkohet për proteinat e hidrolizuara sipas aneksit I, pika 14 e të shtojcës së dytë, të këtij vendimi.
 - h) detyrimi i përcaktuar në pikën e) nuk kërkohet për proteinat e hidrolizuara dhe të përfituara sipas përshkrimeve të aneksit X, pjesa III, seksioni 5, shkronjat a) dhe d) të shtojcës së dytë 2, të këtij vendimi.
4. Në përputhje me aneksin VIII, kapitulli IV, seksioni 4, personi përgjegjës për terrenin ku kultivohen ushqime foragjere, në të cilin përdoren fertilizantë organike dhe pleh organik me përjashtim të plehut të stallës, të glasave dhe të përmbajtjes së aparatit tretës, qumështit dhe produkteve me baze qumështi, kulloshtrë dhe produkteve me bazë kulloshtrën, është i detyruar të regjistrojë:
- a) sasinë e fertilizantëve organike ose të plehut organik të përdorur në terren;
 - b) datën e aplikimit në terren dhe zonën në të cilën është bërë aplikimi;
 - c) datën pas aplikimi në të cilën është hapur kullotja ose është mbledhur masa e gjelbër për ushqim për kafshë.
- Regjistrat duhet të mbahen për një kohe prej të paktën dy vite.
5. Plehu i stallës, përfshirë lëngjet e rrjedhura të kompleksit të mbarështimit dhe përmbajtja e aparatit tretës të kafshëve e ndarë nga vetë aparati tretës mund:

- a) aplikohen direkt në terren pa pësuar transformim paraprak në impiantet e licencuar sipas kërkesave të shtojcës së parë, të këtij vendimi, nëse autoriteti kompetent, vendos që nuk paraqet rrezikun e përhapjes së sëmundjeve të renda të transmetueshme;
- b) janë të destinuara për prodhimin e biogaz ose të kompost në impiante të vendosura në të njëjtën fermë blegtorale që i prodhon ato;
- c) janë të destinuara për prodhim të biogaz ose kompost në impiante të licencuar sipas nenit 24, paragrafi i parë, shkronja g) dhe të normativave mbi ambientin;
- d) të destinuara për prodhimin e fertilizantëve ose të plehut të stallës të transformuar në impiante të licencuar;
- e) transportohen në kontejner ose mjete transporti që mbajnë diciturën “Pleh stalle” sikurse përshkruhet në aneksin VIII, kapitulli II, pika 2 (xiii) të shtojcës së dytë, të këtij vendimi.
- f) depozitohen në struktura të përshtatshme, në thertore, në komplekset e mbarështimit të kafshëve ose në impiantin e përpunimit të tyre i cili përcaktohet nga vete thertoret ose komplekset e mbarështimit nëpërmjet një kontrate ligjore.

Neni 15

Masa ndaluese

1. Është e ndaluar hedhja e nënprodukteve shtazore, derivateve të tyre dhe mbetjeve me prejardhje shtazore:
 - a) në vende që nuk janë autorizuar nga autoritetet kompetente.
 - b) në mjediset urbane: në sheshe, në rrugë në kazanët e mbledhjes së mbetjeve urbane. Është i ndaluar mbarështimi i kafshëve në mjediset e përbashkëta urbane.
 - c) hedhja e plehut e të stallës në rrugë, sheshe, kazanët e mbledhjes së mbetjeve urbane dhe çdo ambient tjetër i përbashkët.
 - d) në det dhe në basene ujore natyrale dhe artificiale: të gjitha nënproduktet me prejardhje nga kafshët e tokës dhe të gjitha nënprodukteve me prejardhje nga kafshët e ujit, me përjashtim të nënprodukteve që janë të përpunuara si ushqim për peshqit në basenet e mbarështimit të tij.

2. Në mjediset rurale, është e ndaluar hedhja, groposja, braktisja dhe djegia e nënprodukteve shtazore në mjediset rurale, në fusha, në kodra, në pyje dhe çdo ambient tjetër rural.

3. Është e ndaluar braktisja e kadavrave të kafshëve të shoqërimit. Asgjësimi i tyre bëhet nga:
 - a) qytetarët që:
 - i) i groposin ato, kur bëhet fjalë për kafshë të madhësive të vogla deri në 10 kg, në ambientet e tyre private në mënyrë që të mos ndotin ambientin dhe kur kanë mundësi ta bëjnë pasi zotërojnë kopshte dhe oborre me sipërfaqe më të madhe se 500m², në thellësi mbi një metër, ose
 - ii) i dorëzojnë ato tek një klinikë veterinare ose spital veterinar, të cilët janë të detyruar t'i pranojnë dhe asgjësojnë sipas kërkesave të këtij vendimi. Klinikat dhe spitalet veterinare lidhin një kontratë për asgjësimin e nënprodukteve shtazore që prodhohen, sipas kërkesave të këtij vendimi, ose
 - iii) i dorëzojnë ato direkt në një landfill të autorizuar.

- b) Njësitet e qeverisjes vendore mbledhin kafshët endacake të ngordhura dhe i asgjësojnë sipas kërkesave të këtij vendimi. Njësitet e qeverisjes vendore i bëjnë të ditur Autoritetit kompetent të përcaktuar në pikën 3b të nenit 3 të këtij vendimi, landfillin ose impiantin në të cilin ata asgjësojnë mbetjet shtazore.
4. Veprimtaritë e përshkruara në nenin 11, të shtojcës së parë, të këtij vendimi janë të ndaluara.
5. Njësitet e qeverisjes vendore, në bashkëpunim me strukturat përgjegjëse të policisë së shtetit, strukturave përgjegjëse të inspektimit në Agjencinë Kombëtare të Mjedisit, marrin masa për zbatimin e parashikimeve të këtij neni, në përputhje me pikën 34, të nenit 62 të Ligjit nr. 10463, datë 22.09.2011 “Për menaxhimin e integruar të mbetjeve”, të ndryshuar.

Neni 16

Importi, eksporti dhe transiti i nënprodukteve me origjinë shtazore dhe produkteve derivate
 Importi, eksporti dhe kalimi transit i nënprodukteve shtazore dhe produkteve derivate kryhet duke respektuar parimet dhe përshkrimet e nenit 4, të shtojcës së parë dhe nenit 25 të shtojcës së dytë, të këtij vendimi. Përveç sa përshkruhet në nenet e më sipërme, në territorin e Republikës së Shqipërisë:

1. Është e ndaluar të importohen nënprodukte të kategorisë 1 ose produkte derivate që rrjedhin prej tyre.
2. Është e ndaluar të importohen nënprodukte të kategorisë 1 dhe kategorisë 2, për t'u përpunuar ose/dhe asgjësuar në territorin e Republikës së Shqipërisë.
3. Është i ndaluar importi i nënprodukteve me origjinë shtazore ose/dhe derivateve të tyre të cilat janë të cilësuar si mbetje me origjinë shtazore ose që rezultojnë të tilla gjatë kontrollit zyrtar në Pikën e Kontrollit Kufitar .
4. Autoriteti doganor para se të kryejë veprimet doganore me një mall që është nënprodukt shtazor ose produkt derivat kërkon dhe merr miratimin e Autoritetit të përcaktuar në pikën 3c, të nenit 3 të këtij vendimi. Autoriteti doganor lejon hyrjen e mallit në territorin e Republikës së Shqipërisë vetëm pas merr miratimin e tij.
5. Importi i nënprodukteve shtazore dhe produkteve derivate nga operatorët që prodhojnë përpunojnë e tregtojnë nënprodukte shtazore ose produkte derivate:
 - a) në territorin e secilit nga vendet e anëtare të Bashkimit Evropian, janë të regjistruara në sistemin TRACE të Komisionit Evropian. Ato i bëjnë autoritetit kompetent një kërkesë sipas kërkesave të shtojcës së parë dhe shtojcës së dytë të këtij vendimi duke përdorur formularin e përshkruar në seksionin 10, kapitulli III, aneksi XVI i shtojcës së dytë të këtij vendimi. Autoriteti kompetent, i përcaktuar në këtë pikë, i përgjigjet operatorit që ka bërë kërkesën duke pranuar, pranuar me kusht ose refuzuar importin e mallit dhe duke arsyetuar refuzimin ose kushtet e vendosura.
 - b) territorin e vendeve janë anëtare të Marrëveshjes CEFTA dhe prodhojnë përpunojnë e tregtojnë nënprodukte shtazore ose produkte derivate të territorin shtetëror të tyre dhe:
 - i) janë të regjistruara në sistemin TRACES të Komisionit Evropian bëjnë një kërkesë, autoritetit kompetent sipas përcaktimeve të aneksit 1 dhe 2 të këtij vendimi, duke përdorur formularin e përshkruar në seksionin 10, kapitulli III, aneksi XVI i shtojcës së dytë të këtij vendimi. Autoriteti kompetent i përgjigjet operatorit që ka bërë kërkesën duke pranuar,

pranuar me kusht ose refuzuar importin e mallit dhe duke arsyetuar refuzimin ose kushtet e vendosura.

ii) nuk janë të regjistruara në sistemin TRACES të komisionit evropian i bëjnë kërkesë të autoritetit kompetent për të arritur një marrëveshje tregtare sipas përcaktimeve të ligjit nr.9863, datë 28.1.2008 "Për ushqimin" dhe marrëveshjes CEFTA. Importi kryhet vetëm kur Autoritet kompetente e të dy shteteve arrijnë një marrëveshje.

iii) kërkesa bëhet në përputhje me përshkrimet e aneksit VII, të shtojcës së dytë të këtij vendimi.

c) Importuesit shqiptare importojnë nënprodukte shtazore nëse:

i) importuesi është i regjistruar në sistemin TRACES, dhe prodhuesi, përpunuesi, tregtuesi i vendit i cili ushtron aktivitetin e tij në territorin e vendeve anëtare të Bashkimit Evropian ose në territorin shtetëror të një vendi të tretë dhe është i regjistruar në sistemin TRACES, nuk nevojitet të marrë miratimin autoritetit kompetent sipas përshkrimit, importi bëhet në bazë të kushteve të përcaktuara në aktin e regjistrimit në sistemin TRACES

ii) importuesi, kur nuk është i regjistruar dhe/ose prodhuesi, përpunuesi, tregtuesi i cili ushtron aktivitetin e tij në territorin e një nga vendet anëtare të Bashkimit Evropian ose në territorin shtetëror të një vendi të tretë nuk është i regjistruar në sistemin TRACES, i kërkon autoritetit kompetent, arritjen e një marrëveshje me autoritetin kompetent të shtetit eksportues. Importi kryhet vetëm kur autoritet kompetente e të dy shteteve arrijnë një marrëveshje.

d) për të gjitha rastet e tjera që nuk përshkruhen në pikat a), b) dhe c) të këtij neni importuesi shqiptar ose eksportuesi i një vendi që nuk është anëtar i Bashkimit evropian ose i marrëveshjes CEFTA i kërkon autoritetit kompetent, arritjen e një marrëveshje me vendin eksportues. Importi kryhet vetëm kur autoritet kompetente e të dy shteteve arrijnë një marrëveshje.

6. Eksporti i nënprodukteve shtazore nga operatorë që prodhojnë, përpunojnë dhe tregtojnë në territorin e Republikës së Shqipërisë që:

a) janë të regjistruar në sistemin TRACES, eksportojnë sipas kushteve të regjistrimit në sistem.

b) nuk janë të regjistruar në sistemin TRACES, i kërkojnë autoritetit kompetent, arritjen e një marrëveshje me vendin importues. Eksporti kryhet vetëm kur autoritet kompetente e të dy shteteve arrijnë një marrëveshje.

7. Transiti i nënprodukteve shtazore dhe produkteve derivate nga dhe për në vendet e Bashkimit evropian ose nga dhe për në vendet që nuk janë anëtare të Bashkimit Evropian, nëpërmjet territorit të Republikës së Shqipërisë bëhet në përputhje me kërkesat e aneksit 1 të këtij vendimi ose në baze të marrëveshjeve dypalëshe. Autoriteti kompetent i vendos një vullë shtese në pikën kufitare hyrëse, e cila duhet të kontrollohet që të jetë e pa prekur në pikën kufitare dalëse.

8. Importi dhe transiti i nënprodukteve shtazore të cilat janë të destinuar të futen në zinxhirin e ushqimeve për kafshët, plotëson normat e përshkruara aneksin XIV të shtojcës së dytë të këtij vendimi.

9. Është i lejuar importi i nënprodukteve shtazore ose/dhe produkteve derivate kur plotësojnë kërkesat e nenit 28 të shtojcës së dytë të këtij vendimi me kusht që pas përfundimit të aktivitetit të kthehen në vendin e origjinës ose të eliminohen si nënprodukte shtazore e kategorisë 1. Importuesi deklaron në kërkesën për import se cilën mënyrë eliminimi do të përdorë.
10. Në rast kundërvajtje me pikat 1, 2, 3 të këtij neni Autoriteti kompetent i përcaktuar në pikën 3c të nenit 3 bllokon menjëherë partinë e mallit dhe njofton menjëherë Autoritetin kompetent të përcaktuar në pikën 3e të nenit 3 të këtij vendimi.

Neni 17

Kontrollet zyrtare dhe inspektimet

1. Kontrollet zyrtare për zbatimin e kërkesave të këtij vendimi, bazohen në legjislacionin për kontrollin zyrtar dhe në kërkesat e nenit 32 të shtojcës së dytë të këtij vendimi.
2. Kontrolli i impianteve dhe stabilimenteve mbi vend vendosjen dhe plotësimin e kërkesave teknike dhe funksionimin e tyre, të përcaktuara në shtojcën e dytë të këtij vendimi, kryhen nga Autoriteti kompetent i përcaktuar në pikën 3e të nenit 3 të këtij vendimi.

Neni 18

Delegimi i kompetencave

Lejohet delegimi i kompetencave me qëllim marrjen e masave për zbatim të kërkesave e anekseve të këtij vendimi, për kërkesat e:

- a) shtojcës së parë, tek Autoriteti kompetent i përcaktuar në pikën 3a të nenit 3 të këtij vendimi për: pikën 3 të nenit 5; pikën 2 të nenit 11; nenin 15; nenin 17; pikën 2 të nenit 18; pikën 4 të nenit 19; pikën 2 të nenit 21; nenin 27; nenin 30; pikën 3 të nenit 32; nenin 40; nenin 42; nenin 44;
- b) shtojcës së dytë, tek Autoriteti kompetent i përcaktuar në pikën 3b të nenit 3 të këtij vendimi për: masa për zbatimin e kërkesave të shtojcës së dytë të këtij vendimi.

Neni 19

Përditësimi i shtojcave

1. Referencat ligjore të shtojcës së parë dhe shtojcës së dytë, zbatohen rast pas rasti sipas akteve në fuqi të Bashkimit Evropian, të transpozuar ose adoptuar nga Republika e Shqipërisë.
2. Përditësimi i shtojcave bashkëlidhur këtij vendimi, bëhet me urdhër të ministrit përgjegjës për mjedisin dhe ministrit përgjegjës për bujqësinë sipas Rregulloreve të Bashkimit Evropian që bëjnë ndryshimin e tyre. Ministri i Bujqësisë miraton dhe mënyrën e zbatimit të ndryshimeve të bëra.

Neni 20

Kundërvajtje administrative

Mospërbushja e kërkesave të këtij vendimi përbën kundërvajtje administrative dhe është objekt i masave administrative sipas legjislacionit në fuqi për menaxhimin e integruar të mbetjeve.

Neni 21

Dispozita të fundit

1. Ngarkohen ministria përgjegjëse për mjedisin, ministria përgjegjëse për veterinarinë së bashku me strukturat e varësisë së tyre, strukturat doganore dhe ato përgjegjëse të policisë së shtetit për zbatimin e këtij vendimi.
2. Ky vendim hyn në fuqi 18 muaj pas botimit të Fletoren Zyrtare.

KRYEMINISTRI

Edi RAMA

Aneksi I

**Dokumenti tregtar për transportin e nënprodukteve shtazore dhe produkteve derivate sipas
kërkesave të Rregullores (KE)1069/200 (shtojca e pare e VKM nr. ___)**

Dërguesi Emri Nr. Licencës/Autorizimit		Nr. 00000000 Dt.: ___/___/20___, ora e nisjes: ___:___	
Adresa		Mjeti i transportit Targa _____ Nr. Licencës/ Autorizimit _____	
Pritësi Emri Adresa		Transportuesi Emri Adresa	
Vendi i origjinës Emri Adresa		Vendi i destinimit Emri Adresa Tipi i Impiantit :	
Malli transportohet në temperature Ambienti <input type="checkbox"/> Ftohje <input type="checkbox"/> Ngrirje <input type="checkbox"/>		Numri i kolive	
Nr. i identifikimit të kontenitorit			
Përshkrimi i mallit			
Identifikimi i mallit	Kategoria	Sasia	Nr. i Lotit
Tipi i trajtimit (për produktet derivate): METODA: _____ (Aneksi IV, Reg. BE 142/11) Lloji i kafshës: _____ Sipas neni 10 Reg.1069/2009 shkronja _____ (Për materialet dhe Produktet derivate të destinuara për ushqim për kafshë) Numrat e matrikujve të kafshëve nga rrjedhin nënproduktet shtazore: _____			
Firma e dërguesit ose përgjegjës të impiantit Firma e transportuesit nga vendi i origjinës			
Firma e Veterinarit Zyrtar (për kafshët e ngordhura, neni 8, shkronja a, pikat i) dhe ii), Reg.1069/2009			
Larja dhe dezinfektimi i mjetit është kryer me Dt.: ___/___/20___, ora e nisjes: ___:___			
Firma përgjegjës të impiantit të destinimit			

